

SCRIPT OF MORNING GOJRI NEWS BULLETIN 7AUG 1015 HRS

مارننگ گو جری نیوز بلیٹن مورخہ 7 اگست 2025

یوہ آکا شوانی جموں ہے عبیدلرحمان تیں خبر سُنو۔

CM RAABITA

سرینگر مانہہ قائم رابطہ دفتر ور گزشتہ روز کئی عوامی نمائنداں تے دیگر وفود نے وزیر اعلیٰ عمر عبداللہ نال ملاقات کی جس دوران بنیادی ڈھانچہ کاروباریاں غا دیگر معاملات تے دیگر اعلیٰ تعلیمی مدعاں ورتبادلہ خیال کیو گیو اس دوران قانون ساز اسمبلی غا ممبراں جن مانہہ فاروق احمد شاہ سجاد شفی ارشاد رسول کار، شفی اضمدا وانی تے پون گپتا شامل تھا نے اپنا اپنا انتخابی حلقاں متعلق کئی معاملات ور وزیر اعلیٰ غی توجہ مبذول کرائی جن ور فوری دھیان کرن غی ضرورت ہے وزیر اعلیٰ نے سابقہ وزیر سجاد احمد کچلو نال الگ تیں میٹنگ وی کی جس دوران وادی چناب غے اندر ہو رپیا ترقیاتی کم کاج ور تبادلہ خیال کیو گیو۔

RAILWAY MINISTER

ریلوے غا مرکزی وزیر اشونی ویشنو نے کہیو ہے کہ حالیہ منظور ہوئی ادھمپور سرینگر بارہمولہ ریل رابطو بھارت غو ایک دشوار ریلوے پروجیکٹ تھو لیکن یوہ پروجیکٹ عالمی سطح غا حفاظتی انتظامات نال تیار کیو گیو تے ہمالیائی ماحول نانہہ اس پروجیکٹ نال نقصان نانہہ پُجے اس گل نانہہ وی یقینی بنایو گیو آکاشوانی جموں غا نمائندہ نے خبر دتی ہے کہ 272 کلو میٹر یو ایس بی آر ایل پروجیکٹ مانہہ چناب دریا ور تعمیر کیو گیو دنیا غو سب تیں اچو ریلوے پُل وی شامل ہے وزیر موصوف نے دسیو کہ اس پروجیکٹ مانہہ بہت روز گار ملیو تے 215 کلو میٹر سڑک وی تیار کی گئی جس مانہہ کئی ٹنل تے 320 پُل شامل ہیں اس پروجیکٹ نال مقامی رابطہ بہتر ہویا ہیں اس تیں علاوہ 66 کلو میٹر غا کارجی ٹنل تے اگ ور قابو پان آلو بہترین نظام وی نصب کیو گیو ہے تانجے مسافراں غی حفاظت نانہہ ہر صورت مانہہ یقینی بنایو جاسکے۔

DIR AGRI MEETING

جموں گا ذراعت متعلق ڈائریکٹر انیل گپتا نے گزشتہ روز جموں مانہہ دائریکٹوریٹ غا سیکٹر صدر ور غی ایک میٹنگ غی صدارت کی اس جائیزہ میٹنگ غے دوران محکمہ گا کام کاج موجودہ حکمت عملی تے جموں خطہ غے اندر ذراعت متعلق اقدامات ور تبادلہ خیال کیو گیو افسراں نال خطاب غے دوران ڈائریکٹر موصوف نے اس گل ور زور پایو کہ محکمہ غا کام کاج غے اندر ہر صورت شفافیت تے ذمہ داری غو عصر شامل رہنو چاہیے موصوف نے وقت دبتاں تمام اسکیمیں غی موثر عمل آوری تے بین محکمہ غا آپشی تال میل ور زور پایو تانجے کساناں نانہہ بروقت خدمات پنہچائی جاسکیں سیکٹر سطح ور حصو لیا بییاں گو جائیزو لیتا واں موصوف نے کہیو کہ زمینی سطح ور دیکھ ریکھ تیں علاوہ وقت رہتیں مرکزی فلاحی اسکیمیں غی عمل آوری ت مجموعی ذراعت ترقی پروگرام غ یتحت دستیاب ذریعاں غو استعمال ماری ترجیحات مانہہ شامل ہونو چاہیے۔

LEGAL METROLOGY PENALTY

جموں کشمیر قانونی میٹرولاجی نے ایک نجی اسکول ور طالب علمان نانہ زیادہ قیمت وصول کرغے کاپی یا دائری تقسیم کرن ور 1 لکھ روپیاں غو جرمانو عائد کیو ہے والدین غی طرفوں جمع کرائی گئی شکایت عرضی ور تحقیقات تیں بعد یوہ ثابت ہوئیو کہ غیر ضروری طورور طالب علمان مانہ اسکول غی طرفوں دائری فروخت کی گئی اس ضمن مانہ اسکول انتظامیہ غے خلاف ایک معاملو درج کیو گئیو تے نوٹس جاری کیو گئیو اس کاروائی تیں بعد اس نجی ادارہ ور 1 لکھ روپیاں غو جرمانو عائد کیو گئیو ہے یاہ رقم وصول کی گئی ہے۔

DODA STUDENTS HGT RAKHIS

ضلع ڈوڈہ غا سرکاری سکولان غا طلباء نے ایک دل نانہ چھو لین آلی پہل کرتا مانہ چین غے نال لگن لی بھارتی سرحد ور تعینات لداخ، لہ مانہ موجود بھارتی فوجیاں واسطے 3 ہزار ہتھ تیں بنی راکھی پھیچی ہیں۔ یوہ قدم ہر گھر ترنگا مہم 2025 غو حصو بے آکاشوانی جموں غا نمائندہ غے مطابق اس محبت وطن مہم گو مقصد سرحدان غی حفاظت کرن آلا فوجی جوانان واسطے جزباتی تکجہتی محبت تے شکریہ غو اظہار کرنو ہے یاہ مہم ضلع ڈوڈہ غا ڈپٹی کمشنر پرویندر سنگھ تے ڈائریکٹر اسکول ایجوکیشن جموں ڈاکٹر نسیم جاوید چودھری غی قیادت مانہ شروع کی گئی جس مانہ ضلع بھر غا طلباء تے اساتذہ نے جوش و خروش تیں حصو لیو جہیزو قومی اتحاد تے فخر غی ایک مضبوط علامت ہے۔

DODA HGT

دوسری جانب ڈپٹی کمشنر ڈوڈہ پرویندر سنگھ نے کل ایک اجلاس غی صدارت کی جس مانہ ہر گھر ترنگا مہم غے متعلق پروگرامان غی تیاریاں گو جائیزو لیو گئیو اجلاس مانہ دسیو گئیو ہے کہ 9 تیں 11 اگست 2025 توڑی ضلع ڈوڈہ غا تمام بلاکان مانہ ترنگا ریلی گڈی جے غی تانجے عوام مانہ حُب الوطنی تے اتحاد نانہ فروغ دتو جاسکے یاہ مہم 12 اگست 2015 نانہ کمیونٹی ہال ڈوڈہ مانہ ایک میگا ترنگا میلہ غے نال اختتام پزیر وے غی جس مانہ ثقافتی پروگرام نمائشیں تے آگاہی سرگرمی شامل ویں گی۔ ڈپٹی کمشنر نے تمام محکمان نانہ ہدایت دتی ہے کہ وہ اس منصوبہ بندی تیں عوام غی زیادہ تیں زیادہ شرکت نانہ یقینی بناویں۔

POONCH RAJOURI HGT

قومی سطح ور ہر گھر ترنگا مہم غے چلتیں ضلع انتظامیہ پونچھ نے وی 2 اگست تیں 15 اگست 2025 توڑی عوامی بیداری ت حُب الوطنی گا کئی پروگرام منعقد کران غو فیصلو لیو ہے تاکہ مجموعی طورور برادری غی شراکت داری تے قویت غا جذبہ نانہ فروغ دتو جاسکے ان تقریبات غو مقصد ہر گھر مانہ فخر نال جھنڈو لہران تے تعلیمی اداران غے اندر ان پروگرامان مانہ عوامی شرکت نانہ یقینی بنانو ہے ضلع غ یا ندر عوامی جگہان تے اسکولان مانہ اس طرز غا پروگرام منعقد کرایا جئیں غا اس دوران ترنگا ریلی انگولی مقابلہ تے اسکولان تے کالجاں مانہ راکھی مقابلہ کرایا جئیں غا اسے طرز ور ضلع راجوری غے اندر وی حُب الوطنی غا تناظر مانہ کئی پروگرام منعقد کرایا جارہیا ہیں تعلیمی اداران غے اندر رنگولی تے راکھی بنان غا مقابلان تیں علاوہ ترنگا ریلی

منعقد كرائى جارہى ہيں بابا غلام شاہ بادشاہ يونيورسٲى راجورى مانہہ ہر گھر ترنگا مہم
غے تحت ايك بہترين نمائش پيش كى گئى جس مانہہ حُب الوطنى تے اتحاد غو سبق دتو
گيو۔
